

Ժողովուրդ

71
(2737)

19 մայիսի ուրբաթ 2023
տպագրության ժԲ տարի

✉ ք. Երևան, Արմավյան 22ա/3 (0010)

☎ + 374 10 546423

@ info.armlur@gmail.com, info.zhoghovurd@gmail.com

100 դրամ

ՆԻԿՈՒ ՓԱՇԻՆՅԱՆԸ ԽԱԲԵԼ Է. ՄԱՍ 180



Նիկոլ Փաշինյանի իշխանությունը շարունակում է ժողովրդավարության նոր հակառակորդներ սահմանել:

Մշտապես թափանցիկ կառավարման մասին թմբկահարող հեղափոխական իշխանությունն այլևս այնքան է հեռավացել իր իսկ սկզբունքներից, որ հարկ չի համարում անգամ Նախարարների գործուղումների մասին տեղեկություն տրամադրել:

Խոսենք փաստերով. «Ժողովուրդ» օրաթերթը կառավարության կայքից տեղեկանում է, որ վարչապետը որոշումներ է ստորագրել ԿԳՄՍ Նախարար ժաննա Անդրեասյանի և առողջապահության նախարար Անահիտ Ավանեսյան գործուղումների վերաբերյալ:

Այսպիսով, Անդրեասյանը հունիսի 7-9-ը կգործուղվի Ռուսաստանի Դաշնություն (Կազան) Միջազգային կրթական համաժողովին մասնակցելու նպատակով, իսկ Անահիտ Ավանեսյանը մայիսի 21-23-ը կգործուղվի Շվեյցարիայի Համադաշնություն (ժնե) Առողջապահության համաշխարհային 76-րդ ասամբլեային մասնակցելու նպատակով:

Վարչապետի որոշումներում որևէ խոսք չկա՝ թե՛ ինչ միջոցներով են նախարարները գործուղումների մեկնելու՝ ՀՀ պետբյուջեի, թե՛ հրավիրող կողմն է հոգալու ծախսերը:

Նկատենք, որ մշտապես թե՛ ԱԺ կայքում, թե՛ կառավարության կայքում հրապարակված գործուղումների մասին որոշումներում հստակ նշված է եղել, թե՛ ինչ միջոցների հաշվին են պատգամավորները կամ նախարարները գործուղման մեկնում:

Կարող ենք արձանագրել, որ իրեն ժողովրդավարության բաստիոն հռչակած իշխանությունը հերթական հետքայլն է անում իր իսկ սկզբունքներից:


ԱԺ «Քաղաքացիական պայմանագիր» խմբակցության քարտուղար Արթուր Հովհաննիսյանը դեռևս 2021 թվականին պետությունից գումար է ստացել՝ որպես տան վարձավճարի փոխհատուցում. սա՛ այն դեպքում, երբ նա, համաձայն իր պաշտոնական կենսագրության, ծնվել է և ապրել է Երևանում: «Ժողովուրդ» օրաթերթի տեղեկություններով՝ ԱԺ ԲԳ խմբակցության քարտուղար Արթուր Հովհաննիսյանը բնակարանի վարձավճարի փոխհատուցման համար դիմում է գրել ԱԺ ղեկավարությանը և ստացել փոխհատուցում: Նա դիմումում նշել է, որ բնակվում է Նար-Դոս փողոցում և վարձակալել է այդ բնակարանը 110 հազար դրամով: Իհարկե, համաձայն ՀՀ օրենսդրության՝ եթե պատգամավորը մարզաբնակ է, Երևանում ապրելու համար կարող է դիմել խորհրդարանի ղեկավարությանը և ստանալ վարձավճարի փոխհատուցում, սակայն ԲԳ խմբակցության քարտուղար Արթուր Հովհաննիսյանը, ինչպես նշեցինք, ամսական 110 հազար դրամ է ստացել՝ որպես վարձավճարի փոխհատուցում՝ լինելով Երևանաբնակ: «Ժողովուրդ» օրաթերթը դիմեց ԱԺ լրատվության և հանրության հետ կապերի վարչություն՝ պարզելու, թե՛ վերջին 2 տարիներին ովքեր են դիմել պատգամավորներից վարձավճարի փոխհատուցման համար: Լրատվական ծառայությունը, արհեստական խոչընդոտներ ստեղծելով, հրաժարվեց տալ այդ տեղեկությունը: Նախկինում մինչև Նիկոլ Փաշինյանի իշխանության գալը, երբեք որևէ գումարման խորհրդարան այս տեղեկությունը գաղտնի չի պահել: Թափանցիկության մասին ճամարտակող հեղափոխական իշխանիկները նաեւ այս պարզ տեղեկությունն են թաքցնում հանրությունից: Մենք, սակայն, ունենք փաստեր, որ Արթուր Հովհաննիսյանը, որը գրանցված է իր ընդդիմադիր քեռու՝ Ռուբեն Հովհաննիսյանի բնակարանի հասցեով, պետական բյուջեից ստացել է վարձավճարի փոխհատուցում, և նա ամբողջ խոսում է կոռուպցիայի անթույլատրելիության մասին. ի՞նչ է այս դեպքը, եթե ոչ կոռուպցիա, պաշտոնական դիրքի չարաշահում: Բա՛ հո կոռուպցիան պոզուիտիվ մեծ կենդանի չէ՛:

Կատեգորիա	Թվական	Կազմակերպություն	Կազմակերպության հասցեն
Կատեգորիա 1	2021-2022	ՀՀ Կառավարություն	Երևան, Արմավյան 22ա/3
Կատեգորիա 2	2021-2022	ՀՀ Կառավարություն	Երևան, Արմավյան 22ա/3
Կատեգորիա 3	2021-2022	ՀՀ Կառավարություն	Երևան, Արմավյան 22ա/3

Սույն թվականի մայիսի 12-ին, գլխավոր դատախազի պաշտոնակատարի հրամանով, դատախազի խորհրդական է նշանակվել Եվա Սաղոյանը: «Ժողովուրդ» օրաթերթի տեղեկություններով՝ Եվա Սաղոյանը պատահական մարդ չէ. նա 2021թ. հուլիսի 14-ին Սևանկույան դատարանի դատավոր նշանակված Լիլիթ Սաղոյանի քույրն է: Եւ այս իրավիճակում հետաքրքիր է, թե՛ երկու քույրերը ինչպես են հակակշռելու դատախազություն-դատարան մոզահական՝ բնակվելով նույն հարկի տակ՝ Շենգավիթ վարչական շրջանում:



ՀՀ էկոնոմիկայի նախարարությունում կադրային խնդիրներ կան: Նախարար Վահան Զերոբյանի աշխատակազմը շատ այլ նախարարությունների պես ամբողջական չէ, ընդ որում՝ երկար ժամանակ է, ինչ այս վիճակում է: «Ժողովուրդ» օրաթերթն ուսումնասիրել է ՀՀ էկոնոմիկայի նախարարության պաշտոնական կայքը: Ըստ կայքում առկա տվյալների՝ նախարար Վահան Զերոբյանը չունի մամուլի քարտուղար: Վարչություններում են կան թափուր հաստիքներ, օրինակ՝ ՀՀ էկոնոմիկայի նախարարությունը չունի Գիտելիքահեն տնտեսության վարչության պետ, Թեթեւ արդյունաբերության վարչության պետ, ինչպես նաեւ Անաստասյանի վարչության, Սննդամթերքի անվտանգության վարչության պետեր: Եթե խոսենք բաժիններից, ապա թափուր են առաջին բաժնի պետի, ինչպես նաեւ ստորաբաժանումների պետերի պաշտոնները: Ղեկավար չունի Առևտրային ներկայացուցիչների և ներդրողների աջակցության գրասենյակը, Մարքեթինգի և խթանման վարչությունը: Այս ամենը վկայում է այն մասին, որ նախարարությունում աշխատել չեն ցանկանում, և անձամբ նախարար Զերոբյանի գործընդ էս կարելու է: Հենց նրա օրոք են նախարարությունում այնպիսի փոփոխություններ եղել, որոնցից հետո վարչություններ, բաժիններ են միավորվել: Նրա տեղակալները եւս հաճախ են փոխվում:



ՊԵՏՔ Է ՊԱՅՔԱՐԵՆՔ

ՄԻՇԵԼԸ ԹՈՂ ՊԱՏԱՄԻԱՆ ՏԱ

Քրյուսեղում չորս ժամ ճեամ հայ-ադրբեջանական բանակցություններից հետո դրանք հյուրընկալող Եվրոպական խորհրդի նախագահը հայտարարեց, որ Հայաստանը և Ադրբեջանը վերահաստեղ են միմյանց սարածֆային ամբողջականությունը ճանաչելու համաձայնությունը: Ընդ որում այս անգամ Ըառլ Միշելը ընդգծեց երկու երկրների սարածֆը՝ Հայաստանի 29 հազար 800 և Ադրբեջանի 86 հազար 600 բառակուսի կմ-ը: Այս 86 հազար 600 բառակուսի կմ-ի մեջ մտնում է նաև Լեռնային Ղարաբաղը:



-Պարոն Ասլանյան, ինչ կատեք Միշելի հայտարարության մասին, կարո՞ղ ենք ենթադրել, որ Հայաստանը պատրաստվում է ճանաչել Արցախի Ադրբեջանի կազմում:

-Սա նշանակում է, որ բանակցություններում մենք մեկ քայլ առաջ ենք արդեն գնացել: Բոլոր այն մարդիկ, որոնք մտածում են, որ պետք է միջազգային հանրությունից էլ պահանջել՝ ճանաչել Արցախի սուվերենությունը, սխալվում են: Հարցը դրված է այսպես՝ միջազգային հանրությունը և միջազգային իրավունքը պահանջում է, որ 2 պետությունները՝ Նախեւառաջ ճանաչեն միմյանց տարածքային ամբողջականությունը: Իսկ հիմա երբ մենք ճանաչում ենք Ադրբեջանի տարածքային ամբողջականությունը, դա դեռ չի նշանակում, որ մենք հրաժարվում ենք Արցախի հարցից: Դա նշանակում է հետեւյալը՝ Ադրբեջանը դուրս է գալիս Հայաստանի այն բոլոր տարածքներից, որոնք ներխուժել է եւ դրանով իսկ ապահովում է Հայաստանի Հանրապետության 29 800 ք/կմ-ը, որից հետո, բնական է, հարց է առաջանալու՝ Ադրբեջանի կազմում գտնվող փոքրամասնություն կազմող Արցախի ժողովուրդն արդեն հելսինկյան սկզբունքով իրավունք ունի ինքնորոշվելու եւ իր պատմական հողում ապրելու: Միջազգային հանրությանը դու չես կարող ասել՝ սկզբում սա տուր, նա տուր, հետո նոր մենք կճանաչենք այլ երկրի տարածքային ամբողջականությունը: 30 տարի կեղծ խաղեր են տվել, բայց հիմա խաղեր չկան, կա հստակ փաստ. մենք ճանաչում ենք երկկողմանի տարածքային ամբողջականությունը եւ երբեք օրակարգից չենք հանում, որ Արցախի ժողովուրդն

իրավունք ունի, իր պատմական հողում ինքնորոշվելուց բացի, նաև ստեղծի իր կյանքը եւ գոյությունը ապահովող պայմաններ: Այստեղ արդեն միջազգային հանրությունն է դառնում այդ հարցի լուծողը:

-Պարոն Ասլանյան, ասում եք՝ եթե ճանաչենք Ադրբեջանի տարածքային ամբողջականությունը, ապա դուրս կգան ՀՀ այն տարածքներից, որոնք ապօրինի ներխուժել են: Մինչ այս ձեռք բերված որեւէ պայմանավորվածություն Ադրբեջանը չի պահել. ինչ երաշխիք կա, որ եթե ճանաչենք Ադրբեջանի տարածքային ամբողջականությունը, ապա իր գողթերը կհանի ՀՀ տարածքից:

-Թող Ադրբեջանը դուրս չգա, չզգիտեմ, բայց Ադրբեջանը հիմա հայտարարում է՝ քանի որ իմ տարածքային ամբողջականությունը չեն ճանաչում, ես դուրս չեմ

գալիս, այնպես որ, ճանաչելուց հետո, երբ որ դուրս չի գա, այն ժամանակ արդեն միջազգային հանրությանը թող պատասխան տա, քանի որ դա արդեն միջազգային հանրությունն է պատասխանատու. Միշելը թող պատասխան տա, թե ինչի Ադրբեջանը դուրս չի գալիս ՀՀ տարածքից. դա իմ կարծիքն է:


-Այսինքն՝ Հայաստանը գնում է հետեւյալ ճանապարհով՝ ճանաչում է Ադրբեջանի տարածքային ամբողջականությունը՝ Արցախը ներառյալ:

-Առաջին՝ նախ՝ համապատասխան ձեռով ճանաչում է տարածքային ամբողջականությունը, որից հետո արդեն գալիս են հաջորդ հարցերը: Մինչեւ չասենք՝ մեկ, չենք կարող ասել՝ երկու: Կարծում եմ մենք պետք է գնանք Կոստլոյի նախադեպով. մենք պետք է պայքարենք:

Զրույցեց ՔՐԻՍՏԻՆԱ ՍՈՒԵՆՅԱՆԸ




ՀԵՐԹԱԿԱՆ ԶԵԿՈՒՅՑ



«Քեղևափի ինթերնեշնլ» կազմակերպությունը ներկայացրել է իր հերթական զեկույցը, որն այս անգամ ունի «Թուրքումուր» անվանումը: Հետազոտությունն արվել է ապրիլի 26-30-ը հեռախոսային հետազոտությունների միջոցով: Օրինակ՝ հարցերից մեկով քաղաքացիներից հետաքրքրվել են, թե ինչպես են գնահատում, օրինակ, ՀՀ վարչապետի, կառավարության, Ազգային ժողովի եւ Նախագահի գործունեությունը: Ըստ այդմ՝ հարցվածների 13 տոկոսը կողմ է վարչապետի, 10,8 տոկոսը՝ կառավարության, 5,9 տոկոսը՝ Ազգային ժողովի, եւ 8,5 տոկոսը՝ ՀՀ Նախագահի գործունեությանը:

ՆՈՐ ՆԱԽԱԳԻԾ



Հնդկաստանի Հանրապետությունում Հայաստանի Հանրապետության դեսպանությանը կից Հայաստանի Հանրապետության ռազմական կցորդի հաստիք կստեղծվի: ArmLur.am-ը տեղեկացավ, որ նստավայրը լինելու է Նյու Դելի քաղաքը:

Հիմնավորման մեջ նշվում է, որ երկու երկրների միջեւ ռազմական եւ ռազմատեխնիկական ոլորտում առկա է համագործակցության մեծ ներուժ: Հնդկական կողմի ռազմարդյունաբերական համալիրի պետական կառույցների, մասնավոր կազմակերպությունների եւ ընկերությունների կողմից փոխգործակցություն իրականացնելու ուղղությամբ վերջին ժամանակաշրջանում ցուցաբերած մեծ հետաքրքրությունն անհրաժեշտություն է առաջացել Հնդկաստանի Հանրապետությունում ստեղծել Հայաստանի Հանրապետության ռազմական կցորդի հաստիք:

Հնդկաստանում ռազմական կցորդը պետք է իրականացնի ներկայացուցչական աշխատանք, որը ներառում է երկու երկրների ռազմական գերատեսչությունների հետ պաշտոնական կապերի հաստատում եւ խորացում, ռազմական ոլորտում հարաբերությունների զարգացում, համագործակցության ծրագրերի իրականացման մշտադիտարկում, օժանդակության ցուցաբերում նախարարության եւ զինված ուժերի պատվիրակությունների այցերի կազմակերպման ժամանակ:

ԸՆԴՈՒՆԵԼՈՒԹՅՈՒՆ

ՊԱՏՎԻՐԱԿՈՒԹՅՈՒՆ ԿԺԱՄԱՆԻ ՀԱՅԱՍՏԱՆ

Մայիսի 28-ից հունիսի 3-ը Հայաստանի կծամանի Արգենտինյան Հանրապետության Մեծնախ Արգենտինա-Հայաստան բարեկամական խմբի նախագահ Գիծերմո Անդրադայո գլխավորած դասվիրակությունը:



Հայաստան ժամանող պատվիրակությանը կղիմավորի «Հայաստան» խմբակցության պատգամավոր, Արգենտինա-Հայաստան բարեկամական խմբի ղեկավար Իշխան Սաղաթեյանը:

Պատվիրակության ընդունելությունը կկազմակերպվի՝ Ազգային ժողովի նախագահի՝ 2018 թվականի հունվարի 25-ի «Ներկայացուցչական ծախսերի իրականացման եւ հուշանվերների տրամադրման կարգի մասին» կարգադրության համաձայն, Հայաստանի Հանրապետության 2023 թվականի պետական բյուջեով Ազգային ժողովին այդ նպատակի համար հատկացված միջոցների հաշվին:

ԻՐԱՎԻՃԱԿ

ՄԱՆՐԱՄԱՆԵՐ

ԿՈՌՆԻԶՈՐՈՒՄ ԿԱՎԱՔ Է ՄՊԱՍՎՈՒՄ

Պետու մայիսի 15-ին ՀՅԳ-ն հայտարարություն էր արածել՝ նշելով, որ մայիսի 20-ին Սյունիքի մարզի Կոռնիձոր համայնքում հրավիրում են մասնակցելու երթ-հանրահավաքին:



նում, ու իր գլխավոր նպատակն այն է, որ Սյունիքում պահպանվի այն խաղաղությունը, որն այս պահին կա: «Հիմա քաղաքական հարցերի ժամանակը չէ:

Հավատացե՛ք՝ հիմա պետք է բոլորս միահամուռ պայքարենք մեր խաղաղության ու անվտանգության համար», - եզրափակեց մարզպետը:

ՊԵՏԱԿԱՆ ԳՈՒՅՔԸ ԿՕՏԱՐՎԻ

Պետական սեփականություն հանդիսացող, ՀՀ Շիրակի մարզ, համայնք Գյումրի, Ա. Մյանսիկյան փողոց 43/4 հասցեում գտնվող 493.2 քառ. մետր մակերեսով անշարժ գույքը, ինչպես նաև դրա զբաղեցրած, օգտագործման եւ սպասարկման համար հատկացված 0.060877 հեկտար մակերեսով հողամասը կօտարվի դասական աճուրդով: 2023 թվականի մարտի 7-ի դրությամբ գույքի գնահատված շուկայական արժեքը կազմում է 72 մլն 600 հազար ՀՀ դրամ: Անշարժ գույքի գնահատված շուկայական արժեքում ներառված՝ հատկացված հողամասի գնահատված շուկայական արժեքը կազմում է 22 մլն 500 հազար ՀՀ դրամ: Աճուրդով օտարման ենթակա գույքի մեկնարկային գին է սահմանվել գույքի գնահատված արժեքի 100 տոկոսի չափը՝ 72 մլն ՀՀ դրամ:

ԲԵՐՄԱՆ ԵՆ ԵՆԹԱՐԿԵԼ ՎԱՐՈՐԳԻՆ

ArmLur.am-ի տեղեկությունների համաձայն՝ մեկ տոննա կոկաին Հայաստան ներմուծելու գործով ձերբակալվել է թմրամիջոցը Հայաստան ներմուծած վարորդը, ինչպես նաև գործով բերման են ենթարկվել այլ անձինք:

«Ժողովուրդ» օրաթերթը գրել էր, որ իրավապահ համակարգում կասկածներ կան, որ Հայաստան ներմուծելու գործընթացը հովանավորվել է խոշոր «տանիքների» կամ բարձրաստիճան պաշտոնյաների կողմից, ուստի կալանավորումների շարք է սպասվում այդ գործի շրջանակներում: Իսկ թե ովքեր են ներգրավված գործում, կներկայացնենք մանրամասներ առաջիկայում:

Հիշեցնենք՝ երեկ ԱՄԾ-ն հայտնեց, որ 2023 թվականի մայիսի 13-ին Նախաձեռնված եւ իրականացվող թիվ 58221423 քրեական վարույթի նախաքննության ընթացքում կատարված վարույթային գործողություններով պարզվել է, որ Հայաստանի Հանրապետությունում գործող եւ մրգերի ներմուծմամբ զբաղվող ընկերության կողմից էկվադորում գտնվող ընկերությունից պատվիրված ապրանքատեսակի հետ տարանցիկ երկրների՝ Պանամայի Հանրապետության, Իտալիայի Հանրապետության եւ Վրաստանի տարածքով Հայաստանի Հանրապետություն է ներմուծվել Կոկաին տեսակի շուրջ մեկ տոննա քաշով թմրամիջոց /շուրջ 250 միլիոն եվրո արժողությամբ/, որը հայտնաբերվել է գտնվում է ՀՀ ազգային անվտանգության ծառայությունում:

Քրեական վարույթով նշանակվել է դատանյութագիտական փորձաքննություն, կատարվել են հարցաքննություններ, տեղեկատվության պահանջ է ուղարկվել իրավասու մարմիններ, հետաքննության մարմինն տրվել է օպերատիվ-հետախուզական միջոցառումներ ձեռնարկելու վերաբերյալ հանձնարարություն: Նախաքննությունը շարունակվում է:

ArmLur.am-ը տեղեկացավ, որ երեկ Սյունիքի մարզպետ Ռոբերտ Ղուկասյանը ժողով է հրավիրել իր մոտ ու հորդորել այնպես կազմակերպել ամեն ինչ, որ այդ հավաքում քիչ թվով մարդիկ լինեն, խժոճություններ չլինեն, ու հակարծ Սյունիքում կրկին մթնոլորտը չլարվի: Մեր աղբյուրները փոխանցում են, որ մարզպետի մոտ հավաքին ներկա են գտնվել սյունեցի համայնքապետերը ու ՔՊ-ամերձ անդամները:

Հիշեցնենք, որ ՀՅԳ-ն իր հայտարարությունում նշել էր. «Մայիսի 20-ին՝ ժամը 12:00-ին, բոլորս դեպի Կոռնիձոր, դեպի Կոռնիձոր՝ ի ցույց դնելու մեր համախմբումն ու ընդվզումը, դեպի Կոռնիձոր՝ ասելու համար, որ մենք ենք Արցախի տերը, ժողովուրդն է Արցախի տերը, եւ ոչ ոք չի կարող այն գիշել, առետրի կյուր դարձնել, վաճառել կամ ուժով տիրանալ: Կամավորության սկզբունքով բոլորս դեպի Կոռնիձոր»:

ArmLur.am-ը կապ է հաստատել Սյունիքի մարզպետ Ռոբերտ Ղուկասյանի հետ՝ պարզելու համար, թե որքանով են իրական այդ տեղեկությունները: Նախ մարզպետը ծիծաղեց, երբ լսեց մեր հարցը, այնուհետեւ հայտարարեց. «Ես ինչո՞ւ պետք է նման ժողով անեմ, այն էլ՝ նման բովանդակությամբ, եթե մարդիկ որոշել են հավաքվել՝ ի պաշտպանություն Արցախի: Ես ինչո՞ւ պետք է ինչ-որ բաներ արգելեմ: Անկեղծ ասած, շատ զարմացա, որովհետեւ բացարձակ այդ տեղեկությունները իրական չեն, ես որեւէ խնդիր չեմ տեսնում. եթե մարդիկ որոշել են համախմբվել՝ հանուն Արցախի, ապա ես միայն ուրախ կլինեմ»:

Ռոբերտ Ղուկասյանը հավելեց, որ ինքն իր աշխատանքն է իրականաց-

ԼՈՒՐԵՐ

ՃԱՆԱՊԱՐՀՆԵՐԻ ԸՆԹԱՑԻԿ ՄՊԱՍԱՐԿՈՒՄ

Երեւանը հաջորդ տարվանից պատրաստվում է անցնել ճանապարհների ընթացիկ սպասարկման:

Այս մասին հայտնում են Երեւանի քաղաքապետարանից: Սա ենթադրում է, որ յուրաքանչյուր վարչական շրջան պայմանականորեն 3 կամ 5 տարով ունենալու է ճանապարհները սպասարկող «Ճանշին» ընկերություն:

Երեւանում նախաձեռնվող կարելու այս նախագծով հաղթող ճանաչված ճանապարհաշինական ընկերությունները տարին 12 ամիս զբաղվելու են փոսային կորոզումներով, ճանապարհների ճաքալցումներով եւ գծանշումներով, ճանապարհային նշանների եւ անվահրիչների տեղադրմամբ, պահպանմամբ ու սպասարկմամբ:

ՓԱՇԻՆՅԱՆԸ ՀԱՍՏԱՑԵՑ ԽՈՍՔԵՐԸ

Փաշինյանը կարելու քայլ է համարում Բյուրեղում Հայաստանի եւ Ադրբեջանի

կողմից միմյանց տարածքային ամբողջականության ճանաչումը:

Արձանագրվել է, որ Ադրբեջանը ճանաչում է Հայաստանի 29,8 հազ. ք/կմ-ը, Հայաստանը ճանաչում է Ադրբեջանի 86,6 հազ. ք/կմ-ը:

Սա թույլ կտա կայունություն հաստատել տարածաշրջանում եւ հասնել խաղաղության պայմանագրի տեքստի վերջնականացմանը: «Հաջորդ քայլը պետք է լինի սահմանազատման հանձնաժողովի ձեւավորման հիմքի բացահայտումը», - կառավարության Նիստին ասաց ՀՀ վարչապետը:

Եվրոպական խորհրդի ղեկավար Շառլ Միշելի հայտարարության մեջ ընդգծվել է Ստեփանակերտի եւ Բաքվի միջեւ երկխոսության կարելու լուրջ Լեռնային Ղարաբաղի հայերի իրավունքների եւ անվտանգության ապահովման համար:

ՈՍՏԻԿԱՆԻ ԱՃԻՍՏԱՎԱՐՉԸ ԿԲԱՐՉՐԱՆԱ

Մայիսի 16-ին ՀՀ ներքին գործերի նախարար Վահե Ղազարյանն այցելել է Ոստիկանության գործեր: Ոստիկանության գործերի հրամանատար Հայկ Բաբայանի ուղեկցությամբ նա շրջել է տարածքում,

երել Հավերժության պուրակում, որտեղ սահմանների պաշտպանության եւ ծառայողական պարտականությունները կատարելիս զոհված ոստիկանության զորքերի ծառայողների անվանական ծառերն են. հայտնում է ՆԳՆ-ն: Նույն օրը Ոստիկանության գործերում տեղի է ունեցել նաև աշխատանքային խորհրդակցություն:

Ներքին գործերի նախարարը, ողջունելով ներկաներին, խոսել է ՆԳՆ ոստիկանությունում ընթացող բարեփոխումների մասին: Անդրադառնալով հատկապես Ոստիկանական գվարդիայի կազմավորմանը՝ նա խոսել է ընթացքի, նպատակի եւ կարելու լուրջ մասին:

Վահե Ղազարյանը, ընդգծելով Ոստիկանության գործերի ծառայողների սոցիալական երաշխիքների բարձրացման հարցը, ներկայացրել է ձեռնարկվող քայլերի մասին: Այդ ուղղությամբ նա հատկապես շեշտել է ատեստավորման գործընթացի կարելու լուրջ մասին, ինչի շնորհիվ էապես կբարձրանան ծառայողների աշխատավարձերը:

Քննարկվել են նաև Ոստիկանության գործերի ծառայողների բարոյահոգեբանական վիճակին, սպառազինության ու տեխնիկային վերաբերող հարցեր: Ավարտին ներքին գործերի նախարարը Ոստիկանության գործերի հրամանատարությանը տվել է կոնկրետ ցուցումներ ու հանձնարարականներ:

ՈՐՈՇՈՒՄ

ԽՈՇՈՐ ՉԱՓԵՐՈՎ ՀԱՄԱՅՆՔԱՅԻՆ ՄԻՋՈՑՆԵՐԻ ՅՈՒՐԱՅՈՒՄ

Ավարտվել է Նոր Նորք վարչական շրջանի նախկին ղեկավարի եւ վարչական շրջանի ղեկավարի աշխատակազմի ֆինանսական բաժնի տնօրենի կողմից առերեսույթ չարաժառանգներ կատարելու դեպքերի առթիվ նախաձեռնված քրեական վարույթից անջատված մասով նախաքննությունը:



Երեւան համայնքին պատճառելով գույքային վնաս:

Երեւան քաղաքի Նոր Նորք վարչական շրջանի ղեկավարից դատախազությունում ստացված հաղորդման եւ փաստաթղթերի ամօրյալում 33 քննչական կոմիտեի ԵԶԲՎ Ավան եւ Նոր Նորք վարչական շրջանների քննչական բաժնում նախաձեռնված մի քանի քրեական վարույթի միացմամբ իրականացված նախաքննությամբ պարզվել է, որ վարչական շրջանի նախկին ղեկավար Ա.Ու.-ն, պաշտոնական դիրքն օգտագործելով, նախնական համաձայնության գալով տարատեսակ միջոցառումներ կազմակերպելու իրավասությամբ օժտված ՍՊ ընկերության տնօրենի եւ վարչական շրջանի ղեկավարի աշխատակազմի ֆինանսական բաժնի պետի հետ, որոշել են 2016թ. ապրիլի 7-ին «Մայրության եւ գեղեցկության» տոնին նվիրված միջոցառում կազմակերպելու պատրվակով յուրացնել այդ միջոցառման կազմակերպման եւ անցկացման համար նախատեսված գումարը:

Բացի այդ, վարչական շրջանի նախկին ղեկավարը, դուրս գալով իր լիազորությունների շրջանակից, Երեւան քաղաքի Գայի պողոտայի 19 հասցեում գտնվող Նոր Նորք վարչական շրջանի աշխատակազմի շինության մեջ տեղակայված, արդեն իսկ վարձակալությամբ տրամադրված տարածքներում ծավալված հետագա գործունեությունը շարունակելու նպատակով, վարչական շրջանի ֆինանսական բաժնի պետի հետ նախնական համաձայնությամբ, պայմանագրով նախատեսված տարածքների յուրաքանչյուր ամսվա համար նախատեսված վարձավճարից բացի, այդ տարածքներում գործունեություն ծավալած ՍՊ երկու ընկերություններից ապօրինի պահանջել են «Նոր Նորք» գարգացման հիմնադրամից, 2016թ. սկսած, յուրաքանչյուր ամսվա համար վճարել 20.000 ՀՀ դրամ գումար, իսկ ԱԶ-ից՝ 15.000 ՀՀ դրամ գումար՝ չվճարելու դեպքում սպառնալով դադարեցնել վարձակալության պայմանագրերը:

Այդ նպատակով ՍՊ ընկերության տնօրենի եւ վարչական շրջանի ղեկավար միջուկ կազմվել է հանձնման-ընդունման վերաբերյալ կեղծ արձանագրություն, իսկ ֆինանսական բաժնի պետի հետ՝ կեղծ ակտ, ըստ որի՝ 2016թ. ապրիլի 7-ին Երեւան քաղաքի Թեւոսյան փողոցում գործող ռեստորանում, իբրեւ թե, կազմակերպվել է անցկացվել է վերոնշյալ միջոցառումը, ինչն իրականում տեղի չի ունեցել: Այդ նպատակով ընկերության հաշվետեմանին փոխանցվել է միջոցառման կազմակերպման եւ անցկացման համար նախատեսված 1.500.000 ՀՀ դրամ գումարը, որը կանխիկացվել է ընկերության տնօրենի կողմից:

Քննության տվյալներով՝ 2016թ. մինչ 2018թ. ապրիլ ամիսն ընկած ժամանակահատվածում ՍՊ ընկերությունները հիմնադրամին են փոխանցել 530 000-ական դրամ, իսկ ԱԶ-ն՝ 420.000 ՀՀ դրամ, ինչի արդյունքում կազմակերպությունների օրինական շահերին պատճառվել է ընդհանուր 1.480.000 ՀՀ դրամի չափով էական գույքային վնաս:

Այնուհետեւ վերջինս, կատարելով հարկային պարտավորությունները, մնացած 1.250.000 ՀՀ դրամը ֆինանսական բաժնի պետի աշխատանքայնակում առձեռն տվել է նրան: Արդյունքում վարչական շրջանի ղեկավարը, պաշտոնական դիրքն օգտագործելով, բաժնի պետի հետ նախնական համաձայնությամբ յուրացրել է խոշոր չափի՝ 1.250.000 ՀՀ դրամ գումարը՝

Քննությամբ պարզվել է նաեւ, որ նշված վարչական շրջանի ղեկավարի աշխատակազմի ֆինանսական բաժնի պետը, օգտագործելով պաշտոնական դիրքը, աշխատակազմի համար ձեռք բերված գրեթե բաշխման ցուցակներում ակնհայտ կեղծ տեղեկություններ մտցնելու եղանակով ուճաճարել է աշխատակազմի տարբեր բաժիններից ընդհանուր 1.443.250 ՀՀ դրամ արժեքի 1255 տուկի «A4» ձեռագրի թղթերի քանակը: Մասնավորապես՝ պահանջագրերում ներառված խմբաքանակի փոխարեն տրամադրել է զգալի քիչ քանակությամբ թուղթ, իսկ բաժիններին չտրամադրված ընդհանուր խոշոր չափ կազմող՝ 1.443.250 ՀՀ դրամ արժեքի 1255 տուկի «A4» ձեռագրի թուղթը յուրացրել է՝ պատճառելով էական գույքային վնաս:

Նախաքննության ընթացքում վերջիններիս մասով վարույթն անջատվել է առանձին վարույթում եւ հայտարարվել նախաքննության ավարտի մասին:

ԶԻՆՏԱՌԱՅՈՂՆԵՐ

ՆԱԽԱԶԵՌՆՎԵԼ Է ԲՐԵԱԿԱՆ ՎԱՐՈՒՅԹ

2023 թվականի մայիսի 17-ին՝ ժամը 16:15-ի սահմաններում, Արբեջանի Հանրապետության զինված ուժերի զինծառայողները, ռասայական, ազգային, էթնիկ ծագումով դայվանդուրված անբնիկների, անհանդուրժողականության կամ թեմանմանի արժանատիքով, իրենց ծառայողական դասերը կատարող ՀՀ ՉՌԻ զինծառայողներին կյանից ապօրինաբար զրկելու դիմադրությամբ հրահրված զինվորից կրակոցներ են արձակել ՀՀ սահմանագծի արեւելյան ուղղությամբ տեղակայված ՀՀ ՊՆ N գործառնառնականության շրջանի մարտական դիրքի ուղղությամբ: Գրա հետաքննության արդյունքում հաստատվել է ստացված վնասվածքից հետագայում մահացել է:

Արբեջանական զինված ուժերը նաեւ թիրախային կրակահերթեր են արձակել վիրավոր զինծառայողին բուժօգնություն ցուցաբերելու նպատակով նույն մարտական դիրք մեկնած «ՌԻԱԶ» մակնիշի ավտոմեքենայի ուղղությամբ, որի հետեւանքով դատարանի շրջանում վնասվածք է ստացել նույն զորամասի բուժակը: Նրա վիճակը գնահատվում է բավարար:

Դեպքի վերաբերյալ ստացված հաղորդման հիման վրա՝ ՀՀ քննչական կոմիտեի զինվորական քննչական գլխավոր վարչության հիւնգերորդ կայազորային քննչական բաժնում նախաձեռնվել է քրեական վարույթ՝ ՀՀ քրեական օրենսգրքի 155-րդ հոդվածի 2-րդ մասի 1-ին եւ 15-րդ կետերով, 44-155-րդ հոդվածի 2-րդ մասի 1-ին, 7-րդ եւ 15-րդ կետերով եւ 264-րդ հոդվածի 2-րդ մասի 3-րդ եւ 4-րդ կետերով: Կատարվում են անհետաձգելի եւ անհրաժեշտ ապացուցողական եւ վարույթային գործողություններ կատարվածի հանգամանքները պարզելու, Արբեջանի ՉՌԻ զինծառայողների հանցավոր գործողություններին լիարժեք իրավական գնահատականներ տալու նպատակով:

● Ըստ ոստիկանության տվյալների՝ մայիսի 17-ից 18-ը Հայաստանի Հանրապետությունում բացահայտվել է հանցագործության 58 դեպք:

ԼՈՒՐԵՐ

ԱՎԻԱՆԱԲՎԱԾՆԵՐԻ Է ԵՆԹԱԲԿՎԵԼ

Ռուսական ուժերը գիշերը գնդակոծել են Կիեւը, Օդեսան եւ Ուկրաինայի մի շարք այլ քաղաքներ: Հարվածների հետեւանքով Օդեսայում 1 մարդ է զոհվել, 2-ը՝ վիրավորվել: Նրանք այն արդյունաբերական հաստատության աշխատակիցներն են, որտեղ ընկել է հրթիռը. այս մասին տեղեկանում ենք France 24 պարբերականից:

Հաղորդվում է, որ օդային տագնապի ազդանշաններ են հնչել Ուկրաինայի ամբողջ տարածքում առավտության ժամը 4:44-ից:

Կիեւում բեկորների ընկնելու պատճառով հրդեհներ են բռնկվել ոչ բնակելի շենքերում: Տուժածներ չկան: Ըստ քաղաքի վարչակազմի՝ բոլոր հրթիռները խոցվել են ՅՕՊ համակարգերի կողմից:

Իր հերթին BBC-ն հաղորդում է, որ Կիեւն այս ամիս արդեն իններորդ անգամ է ավիահարվածների ենթարկվում:

Ռուսական կողմից էլ հայտնել են, որ Ուկրաինայի զինված ուժերը պայթուցիկ սարք են նետել Կուրսկի մարզի Գլուշկովո բնակավայրում գտնվող առողջարանային համալիրի վրա: Ըստ մարզի ղեկավար Ռոման Ստարովոյտովի՝ 2 մարդ տուժել է: Դռնեցկի գնդակոծության հետեւանքով էլ տուժել է 1 կին:

TACC գործակալությունն էլ հաղորդում է, որ Դոնեցկի ժողովրդական Հանրապետության Օկտյաբրսկի Ռուդնիկ բնակավայրի գնդակոծության հետեւանքով վնասվել է հիվանդանոցը եւ մի քանի շենք:

Իսկ մայիսի 17-ին, ըստ Ուկրաինայի իշխանությունների, Խերսոնի մարզի գյուղերից մեկի մոտ տեղի ունեցած գնդակոծության հետեւանքով անվավազ 8 մարդ է զոհվել, այդ թվում՝ 1 երեխա: Եվս 17 մարդ վիրավորվել է: Կողմերը միմյանց մեղադրել են քաղաքացիական հատվածներին հարվածներ հասցնելու համար:

Դոնեցկի ժողովրդական Հանրապետությունում, ըստ Beemu պարբերականի, մայիսի 17-ին ուկրաինական կողմի գնդակոծության հետեւանքով 5 մարդ է զոհվել, ավելի քան 20 մարդ՝ վիրավորվել:

ՀՐԳԵՆ՝ «1 ԲԻՍ» ԱՍՏԻՃԱՆԻ

Մայիսի 18-ին՝ ժամը 13:55-ին, Ճգնաշտաբային կառավարման ազգային կենտրոնն ահազանգ է ստացվել, որ Երեւանի Վաղարշյան փողոցի թիվ 24/1 շենքի 14-րդ հարկի բնակարաններից մեկում հրդեհ է բռնկվել:

Դեպքի վայր են մեկնել ՆԳՆ ՓԾ Երեւան քաղաքի փրկարարական վարչության հրշեջ-փրկարարական ջոկատից երկու մարտական հաշվարկ, մեկ ավտոսանդուղք, Հրդեհաշիջման եւ փրկարարական աշխատանքների կազմակերպման բաժնի հերթապահ եւ Ճգնաշտաբային կառավարման ազգային կենտրոնի օպերատիվ խմբերը:

Հայտարարվել է հրդեհի բարդության «1 ԲԻՍ» աստիճան. դեպքի վայր է մեկնել ՆԳՆ ՓԾ Երեւան քաղաքի փրկարարական վարչության հրշեջ-փրկարարական ջոկատներից եւս երկու մարտական հաշվարկ:

ՀԱՍԱՐԱԿՈՒԹՅՈՒՆ

ՄԱՐԶ

ԹԱՐՅՐԵԼ Է ԿԵՆՍԱԳՐՈՒԹՅՈՒՆԵՐ

Տավուշի մարզպետարանի ինտերնետային կայքում տեխնիկական որոշ փոփոխությունների հետևանքով անհետացել է Նիկոլ Փաշինյանի դասընկեր, կրա հարսանիքի քավոր, Նիկոլ Փաշինյանի որոշմամբ 2021 թվականի ապրիլի 8-ին Տավուշի մարզպետ Նշանակված Հայկ Ղալումյանի կենսագրությունը: Նախկինում մարզպետարանի կայքում հրատարակված Հայկ Ղալումյանի կենսագրականում տվյալներ կային, որոնք կարող էին հարցեր առաջացնել: Օրինակ՝ այդ կենսագրության մեջ նշված էր, որ Հայկ Ղալումյանը « Քաղաքացիական պայմանագիր» կուսակցության անդամ է: Հայկ Ղալումյանին տեղեկատվական հարցում են ուղարկել՝ հարցնելով, թե նա ԲԴ-ի Տավուշի մարզային, թե Իջեանի տարածքային կազմակերպության ղեկավարն է: Մարզպետարանից պատասխանել են, որ մարզպետ Հայկ Ղալումյանը «Քաղաքացիական պայմանագիր» կուսակցության վերահսկող հանձնաժողովի նախագահն է:

ՄԱՐԶՊԵՏԱՐԱՆԻ ԱՆՏԵՂՅԱԿ Է

2021թ. օգոստոսի սկզբից Տավուշի մարզի սահմանագրում տեղակայվել են ռուսական զինուժի ստորաբաժանումներ: Հայաստանի անկախության հետո Տավուշի մարզի տարածքում մարզի սահմանագրում, Ռուսաստանի զինված ուժերի ստորաբաժանումներ երբեք չեն տեղակայվել, հայ-ադրբեջանական սահմանի պաշտպանությունն իրականացրել են ՀՀ պաշտպանության նախարարության զորմասերի զինծառայողները: Ռուսական զինուժի համար զորանոցներ կառուցվեցին Նոյեմբերյան խոշոր համայնքի Ոսկեպար գյուղում և Բերդ խոշոր համայնքի Այգեպար գյուղում Այգեպարի փոքր, վարդուց չգործող փոքր օդանավակայանի տարածքում: Ոսկեպարում ռուսական զինուժի համար զորանոց կառուցվելու համար Նոյեմբերյան համայնքի ավագանին, ընդամենը կառավարության առաջարկին, վարձակալությամբ 2 հեկտար հող հատկացրեց: Նախատեսվում էր Տավուշի մարզի տարածքում ռուսական զինուժի համար 3-րդ զորանոցը կառուցել Իջեան խոշոր համայնքի սահմանամերձ Աջաջուր գյուղի տարածքում, սակայն այդ գյուղի մուտքի մոտ զորանոցի կառուցման աշխատանքները հետո դադարեցվեցին: Ոսկեպարում և Այգեպարում զորանոցները կառուցվեցին կոմպակտ, հավաքովի կոնտրոլիցիաներով: Ոսկեպարում սարքված զորանոցի առջև՝ Հայաստան-Վրաստանի սահմանագրի ավտոմատացման փուլում հարմար է տուֆից կերտված հայ-ռուսական խաչերով խաչքարը: Տավուշի մարզի բնակիչները չգիտեն, թե ինչ նպատակով են կառուցվել այդ զորանոցները, այդտեղ տեղակայված ռուսական զինուժն ինչ գործառնություններ է իրականացնելու: Ելքային վում է, որ դրանցում տեղակայված զինուժն իրականացնելու է Տավուշի սահմանագրում Հայաստանի և Ադրբեջանի միջև սահմանագծում և ու սահմանագրում: Այդ զորանոցներում տեղակայված զինուժի գործառնությունների մասին տեղեկատվական հարցում են ուղարկել Տավուշի մարզպետ Հայկ Ղալումյանին: Մարզպետարանից ստացված պատասխանում նշված է. «Դ՛ր զորանոցների վերաբերյալ Ձեր հարցը ՀՀ Տավուշի մարզպետի աշխատակազմի գործառնություններից դուրս է, առաջարկում ենք այն ուղղել համապատասխան գերատեսչությանը»:

ՈՍԿԱՆ ՈՍԿԵՊԱՐ Տավուշ

ՄԱՐՍԱՆԳԻ ԶՐԱՄԲԱՐ

ՄԻԿՐՈԿԼԻՄԱՅԻ ԿՏՐՈՒԿ ՓՈՓՈԽՈՒԹՅՈՒՆ

Արցախի Հանրապետության՝ 158 օր ցարունակվող քաղաքական դաշմանակներում հունվարի 9-ից ի վեր արդեն 129 օր է՝ Ադրբեջանը խափանում է իր վերահսկողության սակ զսնվող սարածով անցնող միակ բարձրավոյս էլեկտրահաղորդման գծով Հայաստանից Արցախ էլեկտրամատակարարումը: Այդ միջոցով Ադրբեջանը իրականացնում է էներգետիկ, սննտական, հումանիտար և բնապահպանական ահաբեկչություն՝ առաջնություն դասձանելով Արցախի ժողովրդին, ինչպես նաև հանգեցնելով սեղի միկրոկլիմայի կտրուկ փոփոխության, ստրեկչյալ ջրային ռազարների նվազման, բազմաթիվ բուսատեսակների ու կենդանատեսակների կորուստի ռիսկի: Արցախի բնակիչների էներգետիկ նվազագույն կարիքների բավարարման համար նման դաշմանակներում Արցախի Հանրապետությունը ստիպված է կիրառել միայն էլեկտրաէներգիայի արտադրության ներքին ենթակառուցվածքը, որի հզորության արագ 70 տոկոսը բաժին է ընկնում Մարասնգի ջրամբարի հիդրոէլեկտրակայանին:



մեղրատու (մոտ 156 տեսակ) բույսերի կորուստի լրջագույն ռիսկերի, իսկ նշված բուսատեսակները այդ տարածքի շրջակա միջավայրի ու բնակչության կենսապահովման անբաժանելի մասն են:

Արցախի ջրերում տարածված 17 տեսակ ձկներից 12-ը կամ 70,8%-ը գտնվում է Մարասնգի ջրամբարում, որից օգտվում են ափամերձ տարածքների բնակիչները: Ջրի ծավալի այդպիսի կրճատումը կտրուկ բարձրացրել է ձկների խտությունը և, որպես հետևանք, ինչպես նվազեցրել կեր հայթայթելու հնարավորությունները, այնպես էլ մեծացրել ինքնաթունավորման ռիսկերը, ինչը կարճ ժամկետում հանգեցնելու է ձկների մեծամասշտաբ անկման:

Այստեղ է գտնվում նաև Բնության պահպանության միջազգային միության (ԲՊՄՄ) Կարմիր ցուցակի չափորոշիչներով «Կրիտիկական վիճակում» գտնվող փոքրասիական տրիտոնը, ափամերձ տարածքում բնակվող սիրիական սխտորագորտը, սողուններից միջերկրածովային կրիան, անդրկովկասյան սահնօծը: Մարասնգի ջրամբարի հիմնական բնակիչներից են ԲՊՄՄ Կարմիր ցուցակներում գրանցված կաթնասուններից ջրասամույրը, իսկ թռչուններից՝ փոքր ձկնկուլը և մեծ ձկնկուլը, որոնք ձվադրում են ափամերձ խիտ բուսատնտերում, իսկ ջրամբարի չորացումը հանգեցրել է այս տեսակների բնադրագաղութների իսպառ վերացման: Մարասնգի ջրամբարի տարածքը հանդիսանում է մի շարք ընչոչ ու չվող թռչունների միգրացիայի խաչմերուկ, և ջրի ծավալի նման կտրուկ ու աննախադեպ անկումը հանգեցրել է նաև այդ թռչնատեսակների որոշակի կորուստի և միգրացիոն ուղիների փոփոխության:

Շնդհանուր տեղեկություններ Մարասնգի ջրամբարի մակարդակի փոփոխությունը պայմանավորված է ջրային հաշվեկշռի բաղադրիչների մեծություններով, որն էլ իր հերթին կախված է տարվա հիդրոլոգիական և եղանակակլիմայական պայմաններից, ինչ-

պես նաև ջրամբարից բաց թողնվող ջրի ծավալներից:

Բացի հունվարի 9-ից Հայաստան-Արցախ էլեկտրամատակարարման շարունակական խափանումից, ինչպես մինչ այդ, այդպես էլ Արցախի շրջակայքում ընթացում Ադրբեջանը՝ պարբերաբար, իսկ մարտի 22-ից արդեն վերջնականապես խափանել է նաև Հայաստան-Արցախ միակ խողովակաշարով գազի մատակարարումը: Դա էս հանգեցրել է հումանիտար և տնտեսական լրջագույն խնդիրների, ինչպես նաև էլեկտրաէներգիայի ներքին սպառման ու արտադրության անխուսափելի աճի և էլեկտրամատակարարման համակարգերի գերծանրաբեռնվածության:

Հանրապետության էլեկտրաէներգիայի մատակարարման նպատակով վերջին ամիսներին Մարասնգի ջրամբարի վրա կառուցված ՀԷԿ-ն աշխատում է գերծանրաբեռնված գրաֆիկով, որի արդյունքում վերջին մի քանի ամսվա ընթացքում, ի համեմատ նախորդ տարվա նույն ժամանակահատվածի, ջրամբարից բաց է թողնվել գրեթե երեք անգամ ավելի շատ ջուր, իսկ ջրի մուտքը եղել է շուրջ երկու անգամ ավելի քիչ՝ պայմանավորված ընթացիկ տարվա կլիմայի չորությամբ, ինչի պատճառով մակարդակն իջել է շուրջ 33 մետրով: Մայիսի սկզբի դրությամբ Մարասնգի ջրային պաշարները հասել են կրիտիկական սահմանին՝ մոտ 88 միլիոն մ3 (ընդհանուր ջրատարողության շուրջ 15%-ը), մոտենալով մեռյալ (չօգտագործելի) ծավալին՝ շուրջ 70 միլիոն մ3: Թեև վերջին օրերին արձանագրված մեծածավալ տեղումների արդյունքում մի քանի միլիոն մ3-ով վերականգնվել են ջրամբարի պաշարները, սակայն դա խիստ ժամանակավոր բնույթ է կրում, և սեղմ ժամկետում, տեղումների նվազմամբ պայմանավորված, ջրի մակարդակը սկսելու է կրկին իջնել:

Եթե կարճ ժամկետում չվերականգնվի Հայաստան-Արցախ միակ բարձրավոյս էլեկտրագծով էլեկտրամատակարարումը, Մարասնգի ջրամբարի ջրային պաշարներն արագորեն սպառվելու են՝ հանգեցնելով վերոնշյալ ու այլ հիմնականիդրների սրման և ամբողջական հումանիտար ու բնապահպանական աղետի:

Ջրամբարի ընթացիկ վիճակի մասին ավելի շատ տեղեկություններ ստանալու համար կարելի է դիտել Արցախի հանրային հեռուստատեսության վերջին ռեպորտաժը: Արցախի Հանրապետության բնապահպանության կոմիտեն իրականացնում է Մարասնգի ջրամբարի բնապահպանական իրավիճակի մշտադիտարկում, որի շնորհիվ հնարավոր կլինի ավելի համակողմանիորեն գնահատել ջրաբուսակվող բնապահպանական աղետի հետևանքները:

ԱՇԽԱՐՀ

ԱՌԱՋԻՆ ԱՆՔԱՄ ԳՆԵՐԸ ՆՎԱԶԵԼ ԵՆ

Հազար խորանարդ մետր բնական գազի բորսայական արժեքը նվազել է 350 դոլարի նստածից:

2021 թվականի հունիսի 7-ից աճուրդում նման ցածր արժեքներ չեն գրանցվել վկայում են լոնդոնյան բորսայի տվյալները: Նիդեռլանդական TTF հանգույցում

հունիսյան ֆյուչերսների արժեքը նվազել է մինչև հազար խորանարդ մետրի դիմաց 348,3 դոլար կամ ՄՎԹԻ-ի դիմաց 31,1 եվրո:

Նման դինամիկայի հիմնական պատճառներից են դարձել եվրոպական ստորգետնյա գազի պահեստարանների համեմատաբար բարձր լցվածությունը, բարեն-

պաստ եղանակային պայմանները և հեղուկացված բնական գազի մեծ ներմուծումը տարածաշրջանի երկրներ: Վերոնշյալ գործոնների արդյունքում եվրոպական պետություններին հաջողվել է լրացնել տեղական ստորգետնյա գազի պահեստարանների իրենց ընդհանուր տարողունակից 64 տոկոսով:

● Անցած 1 օրվա ընթացքում Հայաստանի Հանրապետությունում արձանագրվել է 5 ՃՏՊ. 8 մարդ ստացել է տարբեր աստիճանի մարմնական վնասվածքներ:

«ԿՈՆՎԵՐՍ ԲԱՆԿ»

ԱՌԱՋԱՏԱՐ ԼԻՆԵԼՈՒ ՀԱՎԱԿՆՈՒԹՅՈՒՆ

«Կոնվերս բանկ»-ը հայտարարում է Yerevan Tech Forum 2023-ին մասնակցության մասին որպես առանցքային 5G գործընկեր՝ վերահաստատելով թվային փոխակերպումների առաջատար դառնալու հավակնությունը:

Yerevan Tech Forum-ին «Կոնվերս բանկ»-ը մասնակցելու է ներկայացուցչական կազմով՝ ներառյալ բանկի թվային փոխակերպման եւ նորարարությունների կոմիտեի նախագահ Ահարոն Լեւոնյանը եւ ոլորտի առաջատար այլ մասնագետներ: Բացի այդ, համաժողովի ողջ ընթացքում տեղում գործելու է բանկի բիզնես տաղավարը:

Մասնակցության այս ձեռնարկի շնորհիվ՝ հյուրերն ու մասնակիցները հնարավորություն են ունենալու ծանոթանալ բանկի պրոդուկտներին եւ ծառայություններին, խորհրդատվություն ստանալ բանկի կողմից առաջարկվող թվային լուծումներին, ինչպես նաեւ հաղորդակցվել բանկի մասնագետների հետ: «Կոնվերս բանկ»-ի թիմը պատրաստակամ է համաժողովի մասնակիցներին ու հյուրերին հետ կիսվել իր փորձառությանը եւ փորձագիտական տեսակետով, այդ թվում՝ Open mobile banking-ի զարգացման եւ թվային հնարավորությունների զարգացման շուրջ:

Բանկի թվային փոխակերպման կարելորագույն եւ ներկայում ակտիվորեն զարգացող ուղղություններից է փոքր եւ միջին ձեռնարկությունների համար թվային պրոդուկտների ներդրումը: Մասնավորապես, բանկը ներկայացրել է Converse Business հավելվածը, որը տնտեսվարողներին հնարավորություն է տալիս ֆինանսները կառավարել եւ բանկային գործառնություններ կատարել հարմարավետ միջավայրում: Բացի այդ, մեծ պահանջարկ են վայելում նորարարական CPay եւ CPos պրոդուկտները, որոնք ներդրում են սպասարկման եւ առետրի ոլորտի սուբյեկտները ստացել են անկանխիկ վճարումների ընդունման պարզ ու հարմարավետ գործիքներ:

Yerevan Tech Forum 2023 համաժողովում 5G գործընկերոջ կարգավիճակը «Կոնվերս բանկ»-ում որակում են գոհացուցիչ ու միաժամանակ պարտավորեցնող. սրանով բանկը հայտարարում է թվայնացման ռազմավարության շրջանակում ներդրումների եւ այնպիսի նոր պրոդուկտների մշակման մտադրության մասին, որոնք կբավարարեն հաճախորդների պահանջները եւ հուսալի նախադրյալներ կստեղծեն թվային տնտեսության մարտահրավերներին արդյունավետ արձագանքելու համար:

Նշվել է նաեւ, որ «Կոնվերս բանկ»-ի ամենապահանջված պրոդուկտը Converse Mobile հավելվածն է, որից օգտվում է 100 հազարից ավելի օգտատեր:

Բանկը վերահսկվում է ԿԲ կողմից:

ԿՈՏԱՅՔԻ ՄԱՐԶ

ԱՅՑ՝ ԿՐԹԱԿԱՆ ՈՒ ՄՇԱԿՈՒԹԱՅԻՆ ՀԱՍՏԱՏՈՒԹՅՈՒՆՆԵՐ

ՀՀ կրթության, գիտության, մշակույթի եւ սպորտի նախարարությունից ArmLur.am-ին հայտնեցին, որ ՀՀ կրթության, գիտության, մշակույթի եւ սպորտի նախարար Ժաննա Անդրեասյանն աշխատանքային այց է կատարել Կոտայքի մարզի մի ԵԱԲ կրթական ու մշակութային հաստատություններ:

Նախարարին ուղեկցել են Ազգային ժողովի գիտության, կրթության, մշակույթի, սփյուռքի, երիտասարդության եւ սպորտի հարցերի մշտական հանձնաժողովի նախագահ Սիսակ Գաբրիելյանը, Կոտայքի մարզպետի տեղակալ Վասակ Վարդանյանը եւ Կոտայքի մարզպետարանի կրթության, մշակույթի եւ սպորտի վարչության պետ Կարեն Յուսանյանը:

ԿԳՄՍ նախարարի առաջին կանգառը Եղվարդ քաղաքի «AV» թատրոն-ստուդիան էր, որը հիմնադրվել է 2022 թ. հոկտեմբերին: Ժաննա Անդրեասյանը նախ շրջել է թատրոնի փոքրիկ տարածքում, ծանոթացել փորձասենյակի եւ դահլիճի պայմաններին, ապա դիտել «Ամանդա» նորարարական պլաստիկ ներկայացումը, որը շուրջ կես տարի գործող թատրոն-ստուդիայի բեմադրած երկրորդ ներկայացումն էր:

Թատրոն-ստուդիայի հիմնադիրներ Անի Վարդանյանի եւ Վիգեն Քաղեռուսյանի խոսքերով՝ Եղվարդում թատրոն-ստուդիա ստեղծելու գաղափարի հիմքում ընկած էր համայնքում մշակութային կյանքն առավել աշխուժացնելը, ինչպես նաեւ պարավիզուսի եւ թատրոնի հետ անմիջական կապ ունեցող տեղի երիտասարդներին բեմում հանդես գալու հնարավորություն ընձեռելը: Նրանք տեղեկացրել են, որ առաջիկայում նախատեսում են բեմադրել «Փոքրիկ իշխանը» ներկայացումը:

Հաջորդիվ Ժաննա Անդրեասյանն այցելել է Աբովյանի թիվ 2 հիմնական դպրոց, որտեղ ծանոթացել է դպրոցի հիմնականում աշխատանքներին: Դպրոցը կառուցվում է ՀՀ կառավարության եւ Ասիական զարգացման բանկի աջակցությամբ իրականացվող «Սեյսմիկ անվտանգության բարելավման» ծրագրի շրջանակում. դպրոցի կառուցումը նախատեսվում է ավարտին հասցնել 2024 թվականին: Շինարարական ընկերության պատասխանատուն ներկայացրել է իրականացվող աշխատանքները՝ վստահեցնելով, որ դրանք ընթանում են նախատեսված ժամանակացույցին համապատասխան, սահմանված նորմերի պահպանմամբ:

Դպրոցի տնօրեն Արթուր Տաշյանը փաստել է, որ կառուցվում է ժամանակակից ենթակառուցվածքներով, ճարտարապետական հետաքրքիր լուծումներով, լաբորատորիաներով, մեծ մարզադահլիճով ուսումնական հաստատություն, որը կունենա բարեկարգված, ինսամված ու կանաչապատ տարածք եւ կապահովի որակյալ կրթության համար բարենպաստ կրթական միջավայր:



ՀՀ կրթության, գիտության, մշակույթի եւ սպորտի նախարարն այցելել է նաեւ Կաթնաղբյուր բնակավայր, որտեղ ընթանում են հիմնական դպրոցի նոր մասնաշենքի կառուցման աշխատանքները: Այստեղ կառուցվում է մոդուլային նոր դպրոց, որի հիմնական աշխատանքներն արդեն ավարտական փուլում են: Ժաննա Անդրեասյանը շրջել է դպրոցի տարածքում, ծանոթացել դասասենյակների, ապաստարանի, գրադարանի, ճաշարանի, սանհանգույցի, հանդիսության սրահի պայմաններին: Դպրոցը, ըստ շինարարի, շահագործման կհանձնվի մինչեւ տարեվերջ:

ՔՆՆԱՐԿՈՒՄ

ՈՉ ՆՅՈՒԹԱԿԱՆ ՄՇԱԿՈՒԹԱՅԻՆ ԺԱՌԱՆԳՈՒԹՅԱՆ ԱՐԺԵՔՆԵՐ

ԿԳՄՍ նախարարությունում սեղի է ունեցել նախարարին կից ոչ նյութական մշակութային ժառանգության հարցերի մասնագիտական խորհրդի հերթական նիստը:

ՀՀ ԿԳՄՍ-ից ArmLur.am-ին հայտնում են, որ նիստը վարել է խորհրդի նախագահ, Երաժշտագետ Հռիփսիմե Պիկիչյանը: Հանդիպմանը քննարկվել են ոչ նյութական մշակութային ժառանգության անհապաղ պաշտպանության արժեքների ցանկում գրանցման ներկայացված առաջարկները:

Առանձին-առանձին անդրադառնալով ներկայացված առաջարկներին՝ խորհրդի անդամները հանդես են եկել դիտորություններով եւ մասնագիտական առաջարկություններով: Քննարկվել են համայնքների, պետական եւ հասարակական կազմակերպությունների ներկայացրած մշակութային արժեքների առանձնահատկությունները, դրանց առկայության եւ պահպանման ապահովման վերաբերյալ հարցեր: Ձեռագծվել է արժեքի տարածման եւ կիրառման աշխարհագրությունն ու բնութագիրը հստակեցնելու պահանջը: Խորհուրդը կարելորել է նեղ մասնագիտական մոտեցում պահանջող հայտերի լրամշակումը համապատասխան կառույցների միջոցով կատարելու անհրաժեշտությունը:

Արժեքները հանրահռչակելու վերաբերյալ խորհրդի անդամներն առաջարկել են դիտարկել հանրապետության տարածքում անցկացվող փառատոների դրանք ներառելու եւ ըստ այդմ ներկայացնելու հնարավորությունները: Ամփոփելով նիստը՝ խորհուրդը որոշել է ներկայացված առաջարկների մի մասը, մասնագիտական դիտարկումների համաձայն, ուղարկել լրամշակման եւ դիտարկել համայնքներից, խմբերից, անհատներից, ինչպես նաեւ մշակութային, կրթական եւ հասարակական կազմակերպություններից նոր առաջարկներին ստացման հնարավորությունը:

Ն.Յ.

«ժողովուրդ» օրաթերթում եւ Armlur.am կայքում գովազդ, հայտարարություն, հաշվետվություն, ծանուցում տեղադրելու համար զանգահարել 094-455-456 հեռախոսահամարով:

ԿԱՐԾԻՔ

ԱՌՆՉՈՒԹՅՈՒՆ

ԿՈՄԻՏԱՍԸ ՄՈՒՂԱՄ ՉԻ ՄԱՔՐԵԼ

Կոմիտասը եվրոպական լսարանին հարմարվելու նպատակ երբեք չի ունեցել, այլ եվրոպական լսարաններին անմնացորդ սիրել է սվել բուն հայկական երաժշտությունը...



«Սիրելի՛ բարեկամներ, Հաշվի առնելով վերջին օրերին Կոմիտաս Վարդապետի գործունեության ու ժառանգության վերաբերյալ հնչեցված ոչ մասնագիտական եւ իրականության հետ աղերս չունեցող մտքերի հանրային լայն արձագանքը՝ Կոմիտասի թանգարան - ինստիտուտը վերստին ցանկանում է անդրադառնալ Վարդապետի գործունեությանն ու ժառանգությանն առնչվող՝ վերջին շրջանում անհարկի քննարկման առարկա դարձած որոշակի դրվագներին:

Կոմիտասը հայ ժողովրդի ինքնուրուշական համակարգի ամենաառանցքային կերպարներից մեկն է:

Նա նաեւ արեւելյան երաժշտության գիտակ էր, սակայն մուղամի հետ առնչություններ չի ունեցել, «չի մաքրել», «չի ջնջել»: Կոմիտասը եվրոպական լսարանին հարմարվելու նպատակ երբեք չի ունեցել, այլ եվրոպական լսարաններին անմնացորդ սիրել է տվել բուն հայկական երաժշտությունը:

Ավելին՝ քառորդ նոտաները եվրոպացիներին անհասանելի չեն եղել, որպեսզի այդ ճանապարհով նրանց որեւէ տեսակի երաժշտություն հրամցվեր: Կոմիտասի թանգարան-ինստիտուտն այս առիթով նախաձեռնում է հայ երաժշտությանն ու Կոմիտասին նվիրված դասախոսությունների, հանրամատչելի գրույցների, կլոր սեղան քննարկումների շարք: Այդ շարքի առա-

ջին հանդիպումը կկայանա մայիսի 20-ին՝ Թանգարանային գիշերը՝ ժ. 16:00-ին: Հյուրընկալելու ենք արվեստագիտության թեկնածու, երաժշտագետ Մա-

րիանա Տիգրանյանին, որը կգրուցի հայ ծիսական երաժշտության, երաժշտաբանաստեղծական արվեստի մասին»:

«ՄՈՒՂԱՍԸ ՄԵՐՆ Է ԵՂԵԼ»

ՎՐԴՈՎՄՈՒՆՔԻ ԱԼԻՔԸ ՉԻ ՄԱՐՈՒՄ

Երեսնամյա արդեն մի քանի օր է չի մարում վրդովմունքի պիքը, որը բարձրացել էր ռեպեր Մուղեթ Մախոյի այն հայտարարության դասճառով, թե «մուղամ» երաժշտական ժանրը հայկական է եւ ոչ մի կառույց չունի մեր հարեան ոլորտայինների մշակույթի հետ: «Մուղամը մերն է եղել: Կոմիտասը եկել է մաքրել է դա, քանի որ, երբ մասուցել է այդ երաժշտությունը եվրոպային, նրանք չեն հասկացել այդ նոտաները, իսկ ինքը հայ երգը սարածելու համար եկել ու ջնջել է այդ նոտաները: Ես գիտեմ այդ դասախոսությունը, եւ դարձապես սարածելու համար նա ջնջել է նման նոտաները, բայց ռաբիալ միտք մերն է եղել», - ասել է նա:



ArmLur.am-ը վերհիշել է, որ տարիներ առաջ՝ 2011 թվականին, երգահան Վահրամ Պետրոսյանը նույնպես նմանատիպ հայտարարությամբ էր հանդես եկել՝ ասելով՝ իրեն հոգեհարազատ է աղբյուրական երաժշտությունը, եւ արժանացել հանրության սուր քննադատությանը: Նկատելով, որ հայկական շուրջ թիվերի ներկայացուցիչները հաճախ են բախվում այս խնդրին, քանի որ դաշտում ունենք ոչ քիչ երգիչ-երգչուհիներ, որոնք իրենց եր-

գերում օգտագործում են մուղամային էլեմենտներ՝ այդպիսով ստվեր գցելով հայկական մաքրամաքուր երաժշտության վրա:

կական մաքրամաքուր երաժշտության վրա:

ԼՈՒՐԵՐ

ՖԻՖԱ-Ի 2026Թ. ՏԱՐԲԵՐԱՆՇԱՆԸ



FIFA WORLD CUP™ WINNER'S TROPHY

Ֆուտբոլի միջազգային ֆեդերացիան՝ ՖԻՖԱ-ն, ներկայացրել է 2026 թվականի աշխարհի առաջնության տարբերակը:

Մունդիալ-2026 թվականի տարբերակը իր մեջ ներառում է աշխարհի առաջնության գավաթը եւ տարբերակը՝ 2026, որը շրջապատված է տարբեր գույներով: Առաջիկայում հանրությանը կներկայացվեն նաեւ աշխարհի առաջնությունը հյուրընկալելու պատրաստվող 16 քաղաքների տարբերակները:

2026 թվականի աշխարհի առաջնությունը կկայանա ԱՄՆ-ում եւ Մեքսիկայում: Այս առաջնությանը կմասնակցեն 48 երկիր:

Ֆուտբոլի աշխարհի առաջնության գործող չեմպիոնն Արգենտինան է:

ՎԱՃԱՌՎԵԼ Է ԱՍՏՎԱԾԱԳՈՒՆՉ

Ավելի քան 1000 տարվա վաղեմություն ունեցող Աստվածաշունչը Նյու Յորքում 38,1 մլն դոլարով վաճառվել է Sotheby's աճուրդում: Հրատարակությունը դարձել է աճուրդում երբեք վաճառված ամենաթանկ ձեռագիրը:

«Այսօր պատմական առանձին աճուրդում վաճառվել է ամենաինչ եւ ամբողջական երբայերեն Աստվածաշունչը 38,1 միլիոն դոլարով», - ասվում է հաղորդագրության մեջ: Ինչպես հայտնում են ՋԼՄ-ները, գիրքը մոտ 1100 տարեկան է:

Աստվածաշունչը գնել է ամերիկացի Նախկին դիվանագետ Ալֆրեդ Մոզեսը ամերիկյան ոչ առետրային կազմակերպության անունից, որն այն կփոխանցի Թեյ Ավիլում տեղակայված ANU թանգարանին. նշում է Sotheby's-ը:

● Մայիս 19-ին «Յանս» մյուզիք հոլում տեղի կունենա Ladaniva & Yans համերգը: Տոմսերի արժեքը՝ 20000-30000 դրամ: Սկիզբը՝ ժամը 20:30-ին:



Էջը՝ ՈՂՋԱ ՊՈՂՈՍՅԱՆԻ

ՄԱՔՍԱՎՅԻՆ

ՀԱՐՑ. Խնդրում եմ ասել՝ Երևանում գրանցված կազմակերպությունը երրորդ երկրից աղբամբներ ներմուծելիս մաքսային ձեռնարկները կարող է առյույթ իրականացնել Սիսիանում:
Կարո Զարոյանյան (38 տարեկան)



ՊԱՏԱՍԽԱՆ. Քաղաքացու հարցին ի պատասխան՝ տեղեկացնում ենք, որ Հայաստանի Հանրապետության կառավարությանն առընթեր մաքսային պետական կոմիտեի 2003 թվականի հուլիսի 4-ի N03/42-Ն հրամանի 1-ին կետի համաձայն՝ կազմակերպությունների կողմից Հայաստանի Հանրապետության մաքսային սահմանով տեղափոխվող ապրանքների եւ տրանսպորտային միջոցների մաքսային ձեռնարկայումների իրականացման վայրեր են այն տարածաշրջանային մաքսատները, որոնց գործունեության գոտին ընդգրկում է տվյալ կազմակերպության գտնվելու վայրը:

Հայաստանի Հանրապետության կառավարության 2005 թվականի հունիսի 9-ի N 865-Ն որոշման 2-րդ կետի գ) ենթակետի համաձայն՝ Արարատյան տարածաշրջանային մաքսատան գործունեության տարածք է հանդիսանում Երեւանը, Հայաստանի Հանրապետության Արարատի, Արմավիրի, Արագածոտնի, Կոտայքի եւ Գեղարքունիքի մարզերի վարչական տարածքները, ուստի Երեւանում գրանցված կազմակերպության կողմից ապրանքների ներմուծման դեպքում մաքսային ձեռնարկայումների իրականացման վայր է համարվում Արարատյան տարածաշրջանային մաքսատունը:

ՀՀ պետական եկամուտների կոմիտե

«ԺՈՂՎՈՒՐԳ». Նշենք, որ Հայաստանի Հանրապետության կառավարությունը կարող է թույլատրել «Վերամշակում մաքսային տարածքում» մաքսային ընթացակարգով հայտարարագրված ապրանքների բացթողնումը կամ ներմուծված ապրանքների նկատմամբ կիրառված «Վերամշակում մաքսային տարածքում» մաքսային ընթացակարգի ժամկետի երկարաձգումը միայն մեկ անգամ՝ մինչեւ երկու տարին չզերազանցող ժամկետով:

ԱՎԱՆՂՆԵՐ

ՀԱՐՑ. Ինչդե՞ս կարող եմ ավանդառուները սեղեկանալ ավանդների հասուցման դեղի մասին:
Էմմա Գրիգորյան (49 տարեկան)



ՊԱՏԱՍԽԱՆ. Հիմնադրամը հատուցման դեպքի օրվան հաջորդող երեք աշխատանքային օրվա ընթացքում Հայաստանի Հանրապետության հրապարակային ծանուցումների պաշտոնական ինտերնետային կայքում եւ առնվազն հանրային մեկ լրատվամիջոցով հայտարարություն է հրապարակում հատուցման դեպքի մասին՝ նշելով երաշխավորված ավանդը ստանալու կարգը՝ ներառյալ ավանդատուի գրավոր կամ էլեկտրոնային եղանակով պահանջի ներկայացման կարգը, անհրաժեշտ փաստաթղթերի ու տեղեկությունների ցանկը, պայմանները, եղանակները, ժամկետները:

Հատուցման դեպքին հաջորդող 20-րդ աշխատանքային օրվանից առնվազն մեկ օր առաջ Հայաստանի Հանրապետության հրապարակային ծանուցումների պաշտոնական ինտերնետային կայքում եւ առնվազն հանրային մեկ լրատվամիջոցով հրապարակում է լրացուցիչ հայտարարություն, որտեղ նշվում են՝
 ա) երաշխավորված ավանդների վճարումն իրականացնող բանկի եւ դրա մասնաճյուղերի անվանումները եւ հասցեները,
 բ) ավանդատուի գրավոր կամ էլեկտրոնային եղանակով ներկայացված պահանջի եւ հիմնադրամի տրամադրած ավանդատուների ցուցակի միջեւ տեղեկությունների անհամապատասխանության դեպքում երաշխավորված ավանդի հատուցումը ստանալու համար անհրաժեշտ փաստաթղթերի ցանկը:

Ավանդների հատուցումը երաշխավորող հիմնադրամ

«ԺՈՂՎՈՒՐԳ». Երաշխավորված ավանդի հատուցումն իրականացվում է ինչպես կանխիկ, այնպես էլ անկանխիկ՝ ավանդատուի նշված հաշվին փոխանցման միջոցով:

ԼՈՒՐ ԿԱԴՐ

Լուսանկարն արվել է Երեւանում



ArmLur.am-ի թղթակիցը հայտնում է, որ Այսեր Իսայանը՝ «Հանուն ժողովրդի բարեկեցության» ՀԿ նախագահը, ի պաշտպանություն 120 հազար շրջափակված արցախցիների՝ անժամկետ ակցիա է իրականացնում «Նեմեւիս» արձանի մոտ:

ԲԱԺԱՆՈՐԴԱԳՐՈՒԹՅՈՒՆ

Մեր թերթը
 Բաժանորդագրվելու
 համար կարող եք դիմել

«Հայմամուլ» ՓԲԸ
 հեռ. 45-82-00, 45-19-11

«Հայփոստ» ՊՓԲԸ
 հեռ. 51-45-46, 51-45-47

«Բլից-Մեդիա» ՍՊԸ
 հեռ. 52-5301

Առաքումը՝ **ԱՆՎՃԱՐ**:



Ձեզ հետաքրքրող ցանկացած հարցով կարող եք դիմել «Ժողովուրդ» օրաթերթի խմբագրություն (**010 54-64-23** հեռախոսահամարով), եւ մենք անպայման կանդրադառնանք ձեր բարձրացրած բոլոր խնդիրներին:

ԱՌԱՋԱՐԿ

հայկական տպագիր մամուլից

«Ժողովուրդ» օրաթերթին բաժանորդագրվելու համար կարող եք լրացնել հետևյալ բլանկը եւ ուղարկել նշված հասցեով: Ամեն օր թերթը կհասնի ձեր նախընտրելի վայր:

Բաժանորդագրության բլանկ

Անուն՝ _____
 Ազգանուն՝ _____
 Առաքման հասցե՝ _____
 Բջջային եւ/կամ քաղաքային հեռախոս՝ _____

Հեռ.՝ (060) 490049
 0023, Արշակունյաց 2, 5-րդ հարկ, 518ս.

ԵՂԱՆԱԿԻ ՏԵՍՈՒԹՅՈՒՆ



☀	Շիրակ	- 2 + 2 +13 + 19
☀	Կոտայքի լեռներ	- 2 + 2 +12 + 19
☀	Կոտայքի նախալեռներ	+ 5 + 7 +16 + 19
☀	Գեղարքունիք	0 + 5 +16 + 19
☀	Լոռի	+ 3 + 9 +18 + 22
☀	Տավուշ	- 2 + 1 +14 + 18
☀	Արագածոտնի լեռներ	+ 4 + 7 +16 + 20
☀	Արագածոտնի նախալեռներ	+ 7 + 9 +21 + 23

☀	Արարատ	+ 6 + 8 +21 + 23
☀	Արմավիր	+ 6 + 8 +21 + 23
☀	Վայոց ձորի լեռներ	- 2 + 1 +14 + 20
☀	Վայոց ձորի նախալեռներ	+ 6 + 8 +21 + 23
☀	Սյունիքի հովիտներ	+ 6 + 9 +16 + 19
☀	Սյունիքի նախալեռներ	- 1 + 4 +13 + 16
☀	Արցախ	+ 7 + 11 +16 + 20
☀	Երեւան	+ 6 + 8 +20 + 22

Լրատվական գործունեություն իրականացնող՝ «Ժողովուրդ թերթի խմբագրություն» ՍՊԸ
 Հասցեն՝ ք. Երեւան, Աբովյան 22^ա/3, հեռ՝ 010 54-64-23
 Պետական գրանցման վկայականի համարը՝ 03Ա089086
 տրված է 24.11.2010
 Ստորագրված է տպագրության **18.5.2023**

Գլխավոր խմբագիր՝
ՔՆԱՐ ՄԱՆՈՒԿՅԱՆ

Տպագրված է «ԳԻՆԴ» տպարան ՍՊԸ հրատարակչությունում խմբագրություն հանձնված նյութերը չեն գրայնաչափում եւ չեն վերադարձվում, Գ նշանով նյութերը գովազդային հրապարակումներ են, որոնց համար խմբագրությունը պատասխանատվություն չի կրում:

«Ժողովուրդ» օրաթերթում հրապարակված նյութերը արտատպելիս կամ ընթացիկ մեջբերումներ անելիս պետք է պարտադիր գրառել հետևյալ նախադասությունը. «Շարունակությունը կարող էք կարդալ «Ժողովուրդ» օրաթերթի այսօրվա համարում»: